

gustav / February 08, 2013 09:46PM

[金光明最勝王經卷第三](#)

T16n0665_p0413c07(00)|
T16n0665_p0413c08(00)|
T16n0665_p0413c09(00)| 金光明最勝王經卷第三
T16n0665_p0413c10(00)|
T16n0665_p0413c11(00)| 大唐三藏沙門義淨奉 制譯
T16n0665_p0413c12(00)| 滅業障品第五
T16n0665_p0413c13(00)| 爾時，世尊住正分別，入於甚深微妙靜慮，
T16n0665_p0413c14(00)| 從身毛孔放大光明，無量百千種種諸色，
T16n0665_p0413c15(00)| 諸佛刹土悉現光中，
T16n0665_p0413c16(09)| 十方恒河沙校量譬喻所不能及。五濁惡世為光所照，
T16n0665_p0413c17(03)| 是諸眾生，作十惡業、五無間罪、誹謗三寶、
T16n0665_p0413c18(03)| 不孝尊親、輕慢師長婆羅門眾，應墮地獄、餓鬼、
T16n0665_p0413c19(01)| 傍生，彼各蒙光至所住處，
T16n0665_p0413c20(07)| 是諸有情見斯光已，因光力故，皆得安樂，端正姝妙，
T16n0665_p0413c21(03)| 色相具足，福智莊嚴，得見諸佛。
T16n0665_p0413c22(07)| 是時帝釋一切天眾，及恒河女神并諸大眾，蒙光希有，
T16n0665_p0413c23(02)| 皆至佛所，右遶三匝，退坐一面。
T16n0665_p0413c24(00)| 爾時，天帝釋承佛威力，即從座起，
T16n0665_p0413c25(03)| 偏袒右肩，右膝著地，合掌向佛。而白佛言：「世尊！
T16n0665_p0413c26(01)| 云何善男子、
T16n0665_p0413c27(13)| 善女人願求阿耨多羅三藐三菩提，修行大乘，攝受一切邪倒有情，
T16n0665_p0413c28(03)| 曾所造作業障罪者，云何懺悔，當得除滅？」
T16n0665_p0413c29(00)| 佛告天帝釋：「善哉！善哉！善男子！汝今修行，
T16n0665_p0414a01(00)| 欲為無量無邊眾生，令得清淨解脫安樂，
T16n0665_p0414a02(00)| 哀愍世間，福利一切。
T16n0665_p0414a03(07)| 若有眾生由業障故，造諸罪者，應當策勵，晝夜六時，
T16n0665_p0414a04(03)| 偏袒右肩，右膝著地，合掌恭敬，一心專念，
T16n0665_p0414a05(03)| 口自說言：『歸命頂禮現在十方一切諸佛，
T16n0665_p0414a06(03)| 已得阿耨多羅三藐三菩提者，轉妙法輪，
T16n0665_p0414a07(03)| 持照法輪，雨大法雨，擊大法鼓，吹大法螺，
T16n0665_p0414a08(03)| 建大法幢，乘大法炬。為欲利益安樂諸眾生故，
T16n0665_p0414a09(00)| 常行法施，誘進群迷，令得大果，
T16n0665_p0414a10(03)| 證常樂故。如是等諸佛世尊，以身、語、
T16n0665_p0414a11(04)| 意稽首歸誠，至心禮敬。彼諸世尊以真實慧，
T16n0665_p0414a12(03)| 以真實眼，真實證明，真實平等，
T16n0665_p0414a13(07)| 悉知悉見一切眾生善惡之業。我從無始生死以來，
T16n0665_p0414a14(03)| 隨惡流轉，共諸眾生造業障罪，為貪、瞋、
T16n0665_p0414a15(04)| 癡之所纏縛。未識佛時，未識法時，未識僧時，
T16n0665_p0414a16(02)| 未識善惡，由身、語、意造無間罪，惡心出佛身血，
T16n0665_p0414a17(00)| 誹謗正法，破和合僧，殺阿羅漢，殺害父母。
T16n0665_p0414a18(00)| 身三、語四、意三種行，造十惡業，自作、教他、
T16n0665_p0414a19(00)| 見作隨喜。於諸善人，橫生毀謗，
T16n0665_p0414a20(03)| 斗秤欺誑，以偽為真，不淨飲食施與一切，
T16n0665_p0414a21(03)| 於六道中所有父母更相惱害。或盜奪堵波物、
T16n0665_p0414a22(01)| 四方僧物、現前僧物自在而用，
T16n0665_p0414a23(06)| 世尊法律不樂奉行，師長教示不相隨順。見行聲聞、獨覺、
T16n0665_p0414a24(00)| 大乘行者，喜生罵辱，令諸行人心生悔惱。
T16n0665_p0414a25(00)| 見有勝己，便懷嫉妒，法施、財施常生慳惜，
T16n0665_p0414a26(00)| 無明所覆，邪見惑心，不修善因，令惡增長，
T16n0665_p0414a27(00)| 於諸佛所而起誹謗，法說非法，非法說法。
T16n0665_p0414a28(00)| 如是眾罪，佛以真實慧，真實眼，真實證明，
T16n0665_p0414a29(00)| 真實平等，悉知悉見。我今歸命，對諸佛前，
T16n0665_p0414b01(00)| 皆悉發露，不敢覆藏，未作之罪更不復作，

T16n0665_p0414b02(00) 已作之罪今皆懺悔。所作業障，應墮惡道、
T16n0665_p0414b03(00) 地獄、傍生、餓鬼之中、阿蘇羅眾及八難處，
T16n0665_p0414b04(01) 願我此生所有業障皆得消滅，
T16n0665_p0414b05(06) 所有惡報未來不受。亦如過去諸大菩薩修菩提行，
T16n0665_p0414b06(02) 所有業障悉已懺悔，我之業障今亦懺悔，
T16n0665_p0414b07(02) 皆悉發露，不敢覆藏，已作之罪願得除滅，
T16n0665_p0414b08(03) 未來之惡更不敢造。
T16n0665_p0414b09(11) 亦如未來諸大菩薩修菩提行，所有業障悉皆懺悔，我之業障今亦懺悔，
T16n0665_p0414b10(00) 皆悉發露，不敢覆藏，已作之罪願得除滅，
T16n0665_p0414b11(00) 未來之惡更不敢造。
T16n0665_p0414b12(09) 亦如現在十方世界諸大菩薩修菩提行，所有業障悉已懺悔，
T16n0665_p0414b13(01) 我之業障今亦懺悔，皆悉發露，不敢覆藏，
T16n0665_p0414b14(01) 已作之罪願得除滅，未來之惡更不敢造。』
T16n0665_p0414b15(00) 「善男子！以是因緣，若有造罪，一剎那中，
T16n0665_p0414b16(01) 不得覆藏，何況一日一夜，乃至多時。
T16n0665_p0414b17(03) 若有犯罪欲求清淨，心懷愧恥，
T16n0665_p0414b18(06) 信於未來必有惡報，生大恐怖，應如是懺。
T16n0665_p0414b19(05) 如人被火燒頭燒衣，救令速滅，火若未滅，心不得安；
T16n0665_p0414b20(01) 若人犯罪亦復如是，即應懺悔，令速除滅。
T16n0665_p0414b21(01) 若有願生富樂之家，多饒財寶，
T16n0665_p0414b22(05) 復欲發意修習大乘，亦應懺悔，滅除業障。
T16n0665_p0414b23(05) 欲生豪貴婆羅門種、刹帝利家，及轉輪王七寶具足，
T16n0665_p0414b24(02) 亦應懺悔，滅除業障。
T16n0665_p0414b25(00) 「善男子！若有欲生四天王眾天、
T16n0665_p0414b26(03) 三十三天、夜摩天、睹史多天、樂變化天、
T16n0665_p0414b27(04) 他化自在天，亦應懺悔，滅除業障。若欲生梵眾、梵輔、
T16n0665_p0414b28(00) 大梵天、少光、無量光、極光淨天、少淨、無量淨、
T16n0665_p0414b29(00) 遍淨天、無雲、福生、廣果天、無煩、無熱、善現、
T16n0665_p0414c01(00) 善見、色究竟天，亦應懺悔，滅除業障。
T16n0665_p0414c02(02) 若欲求預流果、一來果、不還果、阿羅漢果，
T16n0665_p0414c03(02) 亦應懺悔，滅除業障。若欲願求三明六通、聲聞、
T16n0665_p0414c04(01) 獨覺自在菩提，至究竟地，求一切智智、淨智、
T16n0665_p0414c05(00) 不思議智、不動智、三藐三菩提正遍智者，
T16n0665_p0414c06(00) 亦應懺悔，滅除業障。何以故？善男子！
T16n0665_p0414c07(02) 一切諸法從因緣生，如來所說，異相生，異相滅，
T16n0665_p0414c08(00) 因緣異故。如是過去諸法皆已滅盡，
T16n0665_p0414c09(03) 所有業障無復遺餘，
T16n0665_p0414c10(11) 是諸行法未得現生而今得生，未來業障更不復起。何以故？善男子！
T16n0665_p0414c11(01) 一切法空，如來所說無有我、人、眾生、壽者，
T16n0665_p0414c12(01) 亦無生滅，亦無行法。善男子！
T16n0665_p0414c13(06) 一切諸法皆依於本，亦不可說。何以故？過一切相故。
T16n0665_p0414c14(01) 若有善男子、善女人，如是入於微妙真理，
T16n0665_p0414c15(01) 生信敬心，是名無眾生而有於本，
T16n0665_p0414c16(03) 以是義故，說於懺悔，滅除業障。
T16n0665_p0414c17(00) 「善男子！若人成就四法，能除業障，
T16n0665_p0414c18(03) 永得清淨。云何為四？一者、不起邪心，正念成就，
T16n0665_p0414c19(01) 二者、於甚深理不生誹謗，三者、
T16n0665_p0414c20(04) 於初行菩薩起一切智心，四者、於諸眾生起慈無量，
T16n0665_p0414c21(00) 是謂為四。」爾時世尊而說頌言：
T16n0665_p0414c22(00) 「專心護三業，不誹謗深法；
T16n0665_p0414c23(00) 作一切智想，慈心淨業障。
T16n0665_p0414c24(00) 「善男子！有四業障難可滅除。
T16n0665_p0414c25(06) 云何為四？一者、於菩薩律儀犯極重惡，二者、
T16n0665_p0414c26(04) 於大乘經心生誹謗，三者、於自善根不能增長，
T16n0665_p0414c27(01) 四者、貪著三有，無出離心。

T16n0665_p0414c28(07) 復有四種對治業障。云何為四？一者、於十方世界一切如來，
T16n0665_p0414c29(00) 至心親近，說一切罪；二者、
T16n0665_p0415a01(06) 為一切眾生勸請諸佛說深妙法；三者、
T16n0665_p0415a02(08) 隨喜一切眾生所有功德；四者、所有一切功德善根，
T16n0665_p0415a03(05) 悉皆迴向阿耨多羅三藐三菩提。」爾時，天帝釋白佛言：
T16n0665_p0415a04(00) 「世尊！世間所有男子女人，
T16n0665_p0415a05(06) 於大乘行有能行者，有不行者，
T16n0665_p0415a06(10) 云何能得隨喜一切眾生功德善根？」佛言：「善男子！
T16n0665_p0415a07(07) 若有眾生雖於大乘未能修習，然於晝夜六時，偏袒右肩，
T16n0665_p0415a08(01) 右膝著地，合掌恭敬，一心專念，作隨喜時，
T16n0665_p0415a09(01) 得福無量。應作是言：『十方世界一切眾生，
T16n0665_p0415a10(01) 現在修行施、戒、心、慧，我今皆悉深生隨喜。』
T16n0665_p0415a11(01) 由作如是隨喜福故，
T16n0665_p0415a12(09) 必當獲得尊重殊勝無上無等最妙之果。如是過去、未來一切眾生，
T16n0665_p0415a13(00) 所有善根皆悉隨喜。
T16n0665_p0415a14(09) 又於現在初行菩薩發菩提心所有功德，過百大劫行菩薩行，
T16n0665_p0415a15(01) 有大功德獲無生忍，至不退轉、一生補處，
T16n0665_p0415a16(02) 如是一切功德之蘊，皆悉至心隨喜讚歎。過去、
T16n0665_p0415a17(01) 未來一切菩薩，所有功德隨喜讚歎亦復如是。
T16n0665_p0415a18(00) 復於現在十方世界一切諸佛。應。
T16n0665_p0415a19(04) 正遍知證妙菩提，為度無邊諸眾生故，轉無上法輪，
T16n0665_p0415a20(00) 行無礙法施，擊法鼓，吹法螺，建法幢，
T16n0665_p0415a21(01) 雨法雨，哀愍勸化一切眾生，咸令信受，
T16n0665_p0415a22(02) 皆蒙法施，悉得充足無盡安樂。又復所有菩薩、
T16n0665_p0415a23(01) 聲聞、獨覺功德積集善根，
T16n0665_p0415a24(07) 若有眾生未具如是諸功德者，悉令具足，我皆隨喜。
T16n0665_p0415a25(03) 如是過去、未來諸佛、菩薩、聲聞、獨覺所有功德，
T16n0665_p0415a26(02) 亦皆至心隨喜讚歎。善男子！如是隨喜，
T16n0665_p0415a27(02) 當得無量功德之聚，
T16n0665_p0415a28(11) 如恒河沙三千大千世界所有眾生，皆斷煩惱，成阿羅漢。若有善男子、
T16n0665_p0415a29(00) 善女人盡其形壽，常以上妙衣服、飲食、臥具、
T16n0665_p0415b01(00) 醫藥而為供養，如是功德，
T16n0665_p0415b02(05) 不及如前隨喜功德千分之一。
T16n0665_p0415b03(11) 何以故？供養功德有數有量，不攝一切諸功德故，
T16n0665_p0415b04(07) 隨喜功德無量無數，能攝三世一切功德。
T16n0665_p0415b05(07) 是故若人欲求增長勝善根者，應修如是隨喜功德。
T16n0665_p0415b06(03) 若有女人，願轉女身為男子者，
T16n0665_p0415b07(06) 亦應修習隨喜功德，必得隨心現成男子。」爾時，
T16n0665_p0415b08(04) 天帝釋白佛言：「世尊！已知隨喜功德，
T16n0665_p0415b09(06) 勸請功德惟願為說，欲令未來一切菩薩當轉法輪，
T16n0665_p0415b10(01) 現在菩薩正修行故。」佛告帝釋：「若有善男子、
T16n0665_p0415b11(00) 善女人願求阿耨多羅三藐三菩提者，
T16n0665_p0415b12(02) 應當修行聲聞、獨覺、大乘之道。
T16n0665_p0415b13(07) 是人當於晝夜六時，如前威儀，一心專念，作如是言：
T16n0665_p0415b14(04) 『我今歸依十方一切諸佛世尊，
T16n0665_p0415b15(08) 已得阿耨多羅三藐三菩提，未轉無上法輪，
T16n0665_p0415b16(06) 欲捨報身入涅槃者，我皆至誠頂禮勸請轉大法輪，
T16n0665_p0415b17(02) 雨大法雨，然大法燈，照明理趣，施無礙法，
T16n0665_p0415b18(02) 莫般涅槃，久住於世，度脫安樂一切眾生，
T16n0665_p0415b19(01) 如前所說乃至無盡安樂。我今以此勸請功德，
T16n0665_p0415b20(00) 迴向阿耨多羅三藐三菩提，如過去、未來、
T16n0665_p0415b21(01) 現在諸大菩薩勸請功德迴向菩提，
T16n0665_p0415b22(04) 我亦如是勸請功德迴向無上正等菩提。』善男子！
T16n0665_p0415b23(02) 假使有人以三千大千世界滿中七寶供養如來，
T16n0665_p0415b24(18)

T16n0665_p0415b25(15) 若復有人勸請如來轉大法輪所得功德，其福勝彼。何以故？彼是財施，
T16n0665_p0415b26(03) 此是法施。善男子！且置三千大千世界七寶布施，
T16n0665_p0415b27(00) 若人以滿恒河沙數大千世界七寶，
T16n0665_p0415b28(02) 供養一切諸佛，勸請功德亦勝於彼，
T16n0665_p0415b29(03) 由其法施有五勝利。云何為五？一者、
T16n0665_p0415c01(04) 法施兼利自他，財施不爾；二者、
T16n0665_p0415c02(08) 法施能令眾生出於三界，財施之福不出欲界；三者、
T16n0665_p0415c03(04) 法施能淨法身，財施但唯增長於色；四者、
T16n0665_p0415c04(03) 法施無窮，財施有盡；五者、法施能斷無明，
T16n0665_p0415c05(03) 財施唯伏貪愛。是故，善男子！
T16n0665_p0415c06(07) 勸請功德無量無邊，難可譬喻。如我昔行菩薩道時，
T16n0665_p0415c07(03) 勸請諸佛轉大法輪，由彼善根，
T16n0665_p0415c08(07) 是故今日一切帝釋、諸梵王等，勸請於我轉大法輪。善男子！
T16n0665_p0415c09(00) 請轉法輪，為欲度脫安樂諸眾生故。
T16n0665_p0415c10(01) 我於往昔為菩提行，勸請如來久住於世，
T16n0665_p0415c11(01) 莫般涅槃；依此善根，我得十力、四無所畏、
T16n0665_p0415c12(01) 四無礙辯、大慈大悲，證得無數不共之法，
T16n0665_p0415c13(02) 我當入於無餘涅槃，我之正法久住於世。
T16n0665_p0415c14(02) 我法身者清淨無比，種種妙相，無量智慧，
T16n0665_p0415c15(01) 無量自在，無量功德，難可思議，
T16n0665_p0415c16(05) 一切眾生皆蒙利益，百千萬劫說不能盡。
T16n0665_p0415c17(05) 法身攝藏一切諸法，一切諸法不攝法身。法身常住，
T16n0665_p0415c18(01) 不墮常見，雖復斷滅，亦非斷見。
T16n0665_p0415c19(05) 能破眾生種種異見，能生眾生種種真見，
T16n0665_p0415c20(05) 能解一切眾生之縛，無縛可解，能植眾生諸善根本，
T16n0665_p0415c21(01) 未成熟者令成熟，已成熟者令解脫。
T16n0665_p0415c22(03) 無作無動，遠離闐闐，寂靜無為，自在安樂，
T16n0665_p0415c23(03) 過於三世，能現三世；出於聲聞、獨覺之境，
T16n0665_p0415c24(03) 諸大菩薩之所修行，一切如來體無有異，
T16n0665_p0415c25(03) 此等皆由勸請功德善根力故，
T16n0665_p0415c26(07) 如是法身我今已得。
T16n0665_p0415c27(15) 是故若有欲得阿耨多羅三藐三菩提者，於諸經中一句一頌為人解說，
T16n0665_p0415c28(03) 功德善根尚無限量，何況勸請如來轉大法輪，
T16n0665_p0415c29(00) 久住於世，莫般涅槃。」時天帝釋，復白佛言：
T16n0665_p0416a01(00) 「世尊！若善男子、
T16n0665_p0416a02(11) 善女人為求阿耨多羅三藐三菩提故，修三乘道所有善根，
T16n0665_p0416a03(04) 云何迴向一切智智？」佛告天帝：「善男子！
T16n0665_p0416a04(05) 若有眾生欲求菩提，修三乘道，所有善根願迴向者，
T16n0665_p0416a05(01) 當於晝夜六時，懇重至心作如是說：
T16n0665_p0416a06(04) 『我從無始生死以來，於三寶所，
T16n0665_p0416a07(07) 修行成就所有善根，乃至施與傍生一搏之食，
T16n0665_p0416a08(05) 或以善言和解諍訟，或受三歸及諸學處，或復懺悔，
T16n0665_p0416a09(02) 勸請隨喜所有善根，我今作意悉皆攝取，
T16n0665_p0416a10(02) 迴施一切眾生，無悔吝心。是解脫分善根所攝，
T16n0665_p0416a11(00) 如佛世尊之所知見，不可稱量無礙清淨，
T16n0665_p0416a12(00) 如是所有功德善根，悉以迴施一切眾生，
T16n0665_p0416a13(01) 不住相心，不捨相心。我亦如是功德善根，
T16n0665_p0416a14(02) 悉以迴施一切眾生，願皆獲得如意之手，
T16n0665_p0416a15(02) 攝空出寶，滿眾生願，富樂無盡，智慧無窮，
T16n0665_p0416a16(02) 妙法辯才，悉皆無滯，
T16n0665_p0416a17(11) 共諸眾生同證阿耨多羅三藐三菩提，得一切智。
T16n0665_p0416a18(08) 因此善根更復出生無量善法，亦皆迴向無上菩提。
T16n0665_p0416a19(04) 又如過去諸大菩薩，修行之時功德善根，
T16n0665_p0416a20(05) 悉皆迴向一切種智，現在、未來亦復如是。
T16n0665_p0416a21(05) 然我所有功德善根，亦皆迴向阿耨多羅三藐三菩提，

T16n0665_p0416a22(01) 是諸善根，願共一切眾生俱成正覺。
T16n0665_p0416a23(03) 如餘諸佛，坐於道場菩提樹下，
T16n0665_p0416a24(07) 不可思議無礙清淨，住於無盡法藏陀羅尼首楞嚴定，
T16n0665_p0416a25(03) 破魔波旬無量兵眾，應見覺知，應可通達，
T16n0665_p0416a26(02) 如是一切，一剎那中悉皆照了，
T16n0665_p0416a27(06) 於後夜中獲甘露法，證甘露義，
T16n0665_p0416a28(10) 我及眾生願皆同證如是妙覺。
T16n0665_p0416a29(02) 猶如無量壽佛、勝光佛、妙光佛、阿[門@(人/(人*人))]佛、
T16n0665_p0416b01(04) 功德善光佛、師子光明佛、百光明佛、網光明佛、
T16n0665_p0416b02(02) 寶相佛、寶焰佛、焰明佛、焰盛光明佛、
T16n0665_p0416b03(04) 吉祥上王佛、微妙聲佛、妙莊嚴佛、法幢佛、上勝身佛、
T16n0665_p0416b04(00) 可愛色身佛、光明遍照佛、梵淨王佛、上性佛，
T16n0665_p0416b05(00) 如是等如來。應。正遍知，過去、
T16n0665_p0416b06(06) 未來及以現在示現應化、得阿耨多羅三藐三菩提，
T16n0665_p0416b07(03) 轉無上法輪為度眾生，我亦如是。』廣說如上。
T16n0665_p0416b08(00) 「善男子！若有淨信男子、女人，於此
T16n0665_p0416b09(05) 《金光明最勝王經·滅業障品》，受持讀誦，憶念不忘，
T16n0665_p0416b10(01) 為他廣說，得無量無邊大功德聚。
T16n0665_p0416b11(04) 譬如三千大千世界所有眾生，一時皆得成就人身，
T16n0665_p0416b12(00) 得人身已，成獨覺道。若有善男子、
T16n0665_p0416b13(02) 善女人，盡其形壽恭敬尊重，
T16n0665_p0416b14(07) 四事供養一一獨覺，各施七寶如須彌山，
T16n0665_p0416b15(07) 此諸獨覺入涅槃後，皆以珍寶起塔供養，
T16n0665_p0416b16(07) 其塔高廣十二瑜繕那，以諸花香寶幢幡蓋常為供養。
T16n0665_p0416b17(01) 善男子！於意云何？是人所獲功德寧為多不？」
T16n0665_p0416b18(00) 天帝釋言：「甚多。世尊！」「善男子！
T16n0665_p0416b19(04) 若復有人於此《金光明》微妙經典，眾經之王〈滅業障品〉，
T16n0665_p0416b20(00) 受持讀誦，憶念不忘，為他廣說，
T16n0665_p0416b21(03) 所獲功德於前所說供養功德，百分不及一，
T16n0665_p0416b22(02) 百千萬億分，乃至校量譬喻所不能及。
T16n0665_p0416b23(04) 何以故？是善男子、善女人住正行中，
T16n0665_p0416b24(06) 勸請十方一切諸佛轉無上法輪，皆為諸佛歡喜讚歎。
T16n0665_p0416b25(01) 善男子！如我所說，一切施中，法施為勝。是故，
T16n0665_p0416b26(00) 善男子！於三寶所，設諸供養，
T16n0665_p0416b27(03) 不可為比。勸受三歸，持一切戒，無有毀犯，
T16n0665_p0416b28(02) 三業不空，不可為比。一切世界一切眾生，
T16n0665_p0416b29(02) 隨力隨能，隨所願樂，於三乘中勸發菩提心，
T16n0665_p0416c01(00) 不可為比。於三世中一切世界，
T16n0665_p0416c02(04) 所有眾生皆得無礙，速令成就無量功德，
T16n0665_p0416c03(03) 不可為比。三世剎土一切眾生，令無障礙，
T16n0665_p0416c04(02) 得三菩提，不可為比。三世剎土一切眾生，
T16n0665_p0416c05(02) 勸令速出四惡道苦，不可為比。
T16n0665_p0416c06(06) 三世剎土一切眾生，勸令除滅極重惡業，不可為比。
T16n0665_p0416c07(02) 一切苦惱勸令解脫，不可為比。
T16n0665_p0416c08(06) 一切怖畏苦惱逼切，皆令得脫，不可為比。三世佛前，
T16n0665_p0416c09(01) 一切眾生所有功德，勸令隨喜，發菩提願，
T16n0665_p0416c10(01) 不可為比。勸除惡行罵辱之業，
T16n0665_p0416c11(04) 一切功德皆願成就，所在生中，
T16n0665_p0416c12(08) 勸請供養尊重讚歎一切三寶，勸請眾生淨修福行，成滿菩提，
T16n0665_p0416c13(00) 不可為比。是故當知，
T16n0665_p0416c14(08) 勸請一切世界三世三寶，勸請滿足六波羅蜜，
T16n0665_p0416c15(06) 勸請轉於無上法輪，勸請住世經無量劫，
T16n0665_p0416c16(06) 演說無量甚深妙法，功德甚深，無能比者。」
T16n0665_p0416c17(00) 爾時，天帝釋及恒河女神、無量梵王、
T16n0665_p0416c18(03) 四大天眾從座而起，偏袒右肩，右膝著地，

T16n0665_p0416c19(03) 合掌頂禮。白佛言：「世尊！我等皆得聞是
T16n0665_p0416c20(05) 《金光明最勝王經》，今悉受持讀誦通利，為他廣說，
T16n0665_p0416c21(00) 依此法住。何以故？世尊！
T16n0665_p0416c22(07) 我等欲求阿耨多羅三藐三菩提，隨順此義種種勝相，
T16n0665_p0416c23(03) 如法行故。」爾時梵王及天帝釋等，
T16n0665_p0416c24(06) 於說法處皆以種種曼陀羅花而散佛上，
T16n0665_p0416c25(07) 三千大千世界地皆大動，一切天鼓及諸音樂不鼓自鳴，
T16n0665_p0416c26(00) 放金色光，遍滿世界，出妙音聲。
T16n0665_p0416c27(04) 時天帝釋白佛言：「世尊！此等皆是《金光明經》威神之力，
T16n0665_p0416c28(00) 慈悲普救種種利益，種種增長菩薩善根，
T16n0665_p0416c29(00) 滅諸業障。」佛言：「如是！如是！如汝所說。
T16n0665_p0417a01(01) 何以故？善男子！
T16n0665_p0417a02(11) 我念往昔過無量百千阿僧祇劫，有佛名寶王大光照如來。應。正遍知，
T16n0665_p0417a03(00) 出現於世，住世六百八十億劫。
T16n0665_p0417a04(05) 爾時寶王大光照如來，為欲度脫人天、釋梵、沙門、
T16n0665_p0417a05(03) 婆羅門一切眾生，令安樂故，當出現時，
T16n0665_p0417a06(04) 初會說法度百千億億萬眾，皆得阿羅漢果，
T16n0665_p0417a07(03) 諸漏已盡，三明六通自在無礙。於第二會，
T16n0665_p0417a08(03) 復度九十千億億萬眾，皆得阿羅漢果，諸漏已盡，
T16n0665_p0417a09(01) 三明六通自在無礙。於第三會，
T16n0665_p0417a10(05) 復度九十八千億億萬眾，皆得阿羅漢果，圓滿如上。
T16n0665_p0417a11(00) 「善男子！我於爾時作女人身，名福寶光明，
T16n0665_p0417a12(00) 於第三會親近世尊，受持讀誦是
T16n0665_p0417a13(04) 《金光明經》，為他廣說，求阿耨多羅三藐三菩提故。
T16n0665_p0417a14(00) 時彼世尊為我授記：『此福寶光明女，
T16n0665_p0417a15(03) 於未來世當得作佛，號釋迦牟尼如來。應供。
T16n0665_p0417a16(02) 正遍知。明行足。善逝。世間解。無上士。調御丈夫。
T16n0665_p0417a17(02) 天人師。佛。世尊。』捨女身後，從是以來，越四惡道，
T16n0665_p0417a18(00) 生人天中，受上妙樂，
T16n0665_p0417a19(08) 八十四百千生作轉輪王，至于今日得成正覺，名稱普聞，
T16n0665_p0417a20(02) 遍滿世界。」時會大眾忽然皆見寶王大光照如來，
T16n0665_p0417a21(00) 轉無上法輪，說微妙法。「善男子！
T16n0665_p0417a22(04) 去此索訶世界，東方過百千恒河沙數佛土，
T16n0665_p0417a23(03) 有世界名寶莊嚴，其寶王大光照如來，今現在彼，
T16n0665_p0417a24(00) 未般涅槃，說微妙法，廣化群生，汝等見者，
T16n0665_p0417a25(00) 即是彼佛。
T16n0665_p0417a26(00) 「善男子！若有善男子、善女人，
T16n0665_p0417a27(06) 聞是寶王大光照如來名號者，於菩薩地得不退轉，
T16n0665_p0417a28(02) 至大涅槃。若有女人聞是佛名者，臨命終時，
T16n0665_p0417a29(01) 得見彼佛來至其所，既見佛已，
T16n0665_p0417b01(05) 究竟不復更受女身。「善男子！是《金光明》
T16n0665_p0417b02(07) 微妙經典種種利益，種種增長菩薩善根，滅諸業障。善男子！
T16n0665_p0417b03(00) 若有苾芻、苾芻尼、鄢波索迦、鄢波斯迦，
T16n0665_p0417b04(02) 隨在何處，為人講說是《金光明》微妙經典，
T16n0665_p0417b05(02) 於其國土皆獲四種福利善根。云何為四？一者、
T16n0665_p0417b06(00) 國王無病，離諸災厄；二者、壽命長遠，
T16n0665_p0417b07(02) 無有障礙；三者、無諸怨敵，兵眾勇健；四者、
T16n0665_p0417b08(02) 安隱豐樂，正法流通。何以故？如是人王，
T16n0665_p0417b09(04) 常為釋梵四王、藥叉之眾共守護故。」
T16n0665_p0417b10(00) 爾時，世尊告天眾曰：「善男子！是事實不？」
T16n0665_p0417b11(01) 是時無量釋梵四王及藥叉眾，
T16n0665_p0417b12(06) 俱時同聲答世尊言：「如是！如是！
T16n0665_p0417b13(09) 若有國土講宣讀誦此妙經王，是諸國主，我等四王常來擁護，
T16n0665_p0417b14(00) 行住共俱，其王若有一切災障及諸怨敵，
T16n0665_p0417b15(00) 我等四王皆使消殄，憂愁疾疫亦令除差，

T16n0665_p0417b16(00) 增益壽命，感應禎祥，所願遂心，恒生歡喜，
T16n0665_p0417b17(00) 我等亦能令其國中所有軍兵悉皆勇健。」
T16n0665_p0417b18(01) 佛言：「善哉！善哉！善男子！如汝所說，
T16n0665_p0417b19(03) 汝當修行。何以故？是諸國主，如法行時，
T16n0665_p0417b20(05) 一切人民隨王修習如法行者，汝等皆蒙色力勝利，
T16n0665_p0417b21(01) 宮殿光明，眷屬強盛。」時釋梵等白佛言：「如是，
T16n0665_p0417b22(00) 世尊！」佛言：
T16n0665_p0417b23(12) 「若有講讀此妙經典流通之處，於其國中大臣輔相，有四種益。
T16n0665_p0417b24(03) 云何為四？一者、更相親穆，尊重愛念；二者、
T16n0665_p0417b25(01) 常為人王心所愛重，亦為沙門、婆羅門、
T16n0665_p0417b26(02) 大國小國之所尊敬；三者、輕財重法，
T16n0665_p0417b27(03) 不求世利，嘉名普暨，眾所欽仰；四者、壽命延長，
T16n0665_p0417b28(01) 安隱快樂；是名四種利益。
T16n0665_p0417b29(07) 若有國土宣說是經，沙門、婆羅門得四種勝利。
T16n0665_p0417c01(05) 云何為四？一者、衣服、飲食、臥具、醫藥無所乏少；二者、
T16n0665_p0417c02(00) 皆得安心，思惟讀誦；三者、依於山林，
T16n0665_p0417c03(02) 得安樂住；四者、隨心所願，皆得滿足；
T16n0665_p0417c04(04) 是名四種勝利。若有國土，宣說是經，
T16n0665_p0417c05(06) 一切人民皆得豐樂，無諸疾疫，商估往還，多獲寶貨，
T16n0665_p0417c06(02) 具足勝福，是名種種功德利益。」
T16n0665_p0417c07(00) 爾時，梵釋四天王及諸大眾白佛言：「世尊！
T16n0665_p0417c08(01) 如是經典甚深之義，若現在者，
T16n0665_p0417c09(05) 當知如來三十七種助菩提法住世未滅，
T16n0665_p0417c10(05) 若是經典滅盡之時，正法亦滅。」佛言：「如是！如是！善男子！
T16n0665_p0417c11(00) 是故汝等於此《金光明經》，一句、一頌、一品、
T16n0665_p0417c12(01) 一部，皆當一心正讀誦、正聞持、正思惟、
T16n0665_p0417c13(02) 正修習，為諸眾生廣宣流布，長夜安樂，
T16n0665_p0417c14(03) 福利無邊。」時諸大眾，聞佛說已，咸蒙勝益，
T16n0665_p0417c15(03) 歡喜受持。
T16n0665_p0417c16(00) 金光明最勝王經卷第三

引自CBETA：http://www.cbeta.org/result/normal/T16/0665_003.htm
